



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-176-4/25**
Datum: **21.05.2025. godine**

«Agencija za vodno područje rijeke Save» Sarajevo rješavajući po zahtjevu pravnog lica «BEGED» d.o.o. Kakanj za donošenje rješenja o prethodnoj vodnoj saglasnosti za ispuštanje tehnoloških otpadnih voda iz objekta samouslužne autopraonice u naselju Karaulsko Polje, općina Kakanj, na osnovu člana 139. stav 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99, 61/22), **donosi**

R J E Š E N J E

Odbija se zahtjev pravnog lica «BEGED» d.o.o. Kakanj za izdavanje prethodne vodne saglasnosti za ispuštanje tehnoloških otpadnih voda iz objekta samouslužne autopraonice u naselju Karaulsko Polje, planirane za izgradnju na zemljištu označenom kao k.č. broj: 2026 K.O Vrtlište, općina Kakanj, kao neosnovan, jer se predmetna zemljišna čestica u cijelosti nalazi unutar linije koji je na udaljenosti 10 metara od linije dopiranja velikih voda rijeke Bosne ranga pojave 1/100 te za predmetnu zemljišnu česticu važe zabrane iz člana 96. Stav (1) tačka 16. Zakona o vodama.

O b r a z l o ž e n j e

Pravno lice «BEGED» d.o.o. Kakanj, dana 24.04.2025. godine, podnijelo je ovoj Agenciji zahtjev za izdavanje prethodne vodne saglasnosti za ispuštanje tehnoloških otpadnih voda u prirodni recipijent sa lokaliteta objekta samouslužne autopraonice koji se planira graditi u naselju Karaulsko Polje, na zemljištu označenom kao k.č. broj: 2026 K.O Vrtlište, općina Kakanj.

Uz zahtjev je dostavljena sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-24-003665 od 10.12.2024. godine izdatog od Općinskog suda u Zenici,
- Ovjerena kopija Uvjerenja o poreznoj registraciji izdatog dana 18.09.2014. od Porezne uprave Federacije BiH – Kantonalni porezni ured Zenica,
- Dokaz o uplaćenju upravnoj taksi,
- Mišljenje o usklađenosti planirane promjene u prostoru sa izvodom iz planskog dokumenta broj: 04/1-456/25 od 22.04.2025. godine izdatog od Službe za privredu, urbanizam i zaštitu okoline Općine Kakanj,
- Izvod iz prostornog plana Općine Kakanj 2010-2030 godine broj: 04/1-19-1694/25 od 22.04.2025. godine izdatog od Službe za privredu, urbanizam i zaštitu okoline Općine Kakanj,
- Ovjerena Kopija katastarskog plana UR broj: 06/2-26-12094/2025-2 od 02.04.2025. izdatog od Službe za imovinsko-pravne, geodetske poslove i katastar nekretnina Općine Kakanj,
- Ovjerena kopija Zemljišnoknjižnog izvotka broj: 036-0-NAR-25-001 103, ZK uložak broj 247, od 02.04.2025. godine izdatog od Zemljišnoknjižnog ureda Općinskog suda u Kakanju,
- Studija za izdavanje prethodne vodne saglasnosti – samouslužna autopraonica, k.č. 2026 K.O. Vrtlište, općina Kakanj, broj: 08-IB-S/25, april 2025. godine, urađena od «IBIS» d.o.o. Zavidovići.

Nakon izvršenog uvida u dostavljeni zahtjev i priloženu dokumentaciju, od Sektora 10 ove Agencije, dopisom broj: UP-1/21-1-40-176-2/25 od 05.05.2025. godine, je traženo očitovanje o položaju parcele označene kao k.č. broj: 2026 K.O Vrtlište, općina Kakanj u odnosu na vodno dobro i liniju dopiranja velikih voda rijeke Bosne ranga pojave 1/100 godina. Odgovorom broj: UP-1/21-1-40-176-3/25 od 07.05.2025. godine dobijeni su traženi podaci.

- Rijeka Bosna, odnosno njen dio toka u Federaciji BiH, zbog značaja koji ima za upravljanje vodama u skladu sa članom 5. Zakona o vodama («Službene novine Federacije BiH», broj 70/06), pripada vodotocima I kategorije za čije upravljanje, kao i zemljišnim česticama uz ove vodotoke (član 7. i 9. Zakona o vodama) koje pripadaju vodnom dobru, nadležna je «Agencija za vodno područje rijeke Save» Sarajevo.

- Na vodnom dobru je zabranjeno izvoditi zahvate osim onih kojih su navedeni članom 12. Zakona o vodama.
- Na poplavnom području su izričito zabranjene sve aktivnosti koje mogu za vrijeme poplava imati štetan uticaj na vode, vodno dobro, priobalno zemljište i zaštitne objekte, a koje su pobrojane u članu 96. Zakona o vodama.
- Uvidom u Informacioni sistem voda Agencije (ISV) i Rješenje o određivanju granice vodnog dobra uz rijeku Bosnu na području općine Kakanj broj: UP-I-05-25/1-1043/13 od 01.07.2013. godine, koje je donijelo Federalno ministarstvo poljoprivrede, vodoprivrede i šumarstva, i prostornom analizom utvrđeno je da se zemljišna čestica označena kao k.č. 2026 u K.O. Vrtlište, općina Kakanj ne nalazi unutar granica vodnog dobra i za istu ne važe zabrane navedene članom 12. Zakona o vodama.
- Uvidom u ISV i najažurnije podatke o poplavnom području uz rijeku Bosnu dobivene na osnovu hidrodinamičkog modela rijeke Bosne urađenog za potrebe projekta Izrada Mapa opasnosti i mapa rizika od poplava za Bosnu i Hercegovinu, koji je izrađen na detaljnim podlogama dobijenim snimanjem Lidar tehnologijom, utvrđeno je da se predmetna zemljišna čestica označena kao k.č. 2026 u K.O. Vrtlište, u cijelosti nalazi unutar pojasa koji je na udaljenosti 10 metara od linije dopiranja velikih voda rijeke Bosne ranga pojave 1/100, te samim tim, dok se na predmetnom lokalitetu ne izgrade adekvatni zaštitni vodni objekti na predmetnoj zemljišnoj čestici važe zabrane iz člana 96. stav 1. tačka 16. Zakona o vodama.
- Prema članu 96. stav (1) Zakona o vodama, tačkama 7., 10., 14., 16. i 17., na poplavnom području su izričito zabranjene sve aktivnosti koje mogu za vrijeme poplava imati štetan uticaj na vode, vodno dobro, priobalno zemljište i zaštitne objekte a naročito, prema tački 16. istog člana, podizati zgrade i druge objekte koji ne služe odbrani od poplava i koji sprečavaju prilaz vodotoku na udaljenosti manjoj od 10m od linije dopiranja velikih stogodišnjih voda za sve površinske vode izuzev ako je vlasniku ili korisniku uvjetovana izgradnja objekta prethodnim preduzimanjem zaštitnih mjera kojima se onemogućuju ili smanjuju štetne posljedice od voda. Ovo izuzeće se ne odnosi na zemljišne čestice i objekte u istim područjima koji se nalaze u pojasu vodnog dobra i za koje važe zabrane gradnje.

U skladu sa gore navedenim, izdavanje bilo kakve saglasnosti bilo bi u suprotnosti sa odredbama Zakona o vodama («Službene novine Federacije BiH», broj: 70/06), s toga je riješeno kao u dispozitivu rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta: Sanja Miličić, građ.ing.

Po ovlaštenju
Rukovodilac sektora za izdavanje vodnih akata



Nihad Pezo, dipl. inž. građ.

Dostaviti:

- «BEGED» d.o.o. Zenica
Karaulsko polje bb, 72240 Kakanj
- ⊖ AVP, ISV – Vodna knjiga
- Sektor 40, arhiva
- Oglasna ploča, AVP Sava